

# Akithi lono Xaphelu



Akumzapu Kuchouqo  
Kiphi Kichekutsu

3



**Kughou** ningu kungo ki lo ami ipeghivenikeno tile abolomi asholokumiqo khathasupe amichhino phoqhi, ami mili kushuno pughaqhi keu kumsa kimishipu ningu shou ikughive cheni. Tishi aghie pinamu qhoi pitiqhi khavepe mono xapheluvekeu ghili kumsulu puzu shikimithi tsu acheni. Hitoi ayeghi hipau lo kumsapu ningu shou acheni, kumsapu tipaqo launo ningu xapheluvekepu itehi avehu shi ani. Xaphekulumiqono pano phimini aphihi shi pepusu ighieno shilukeusa lo akemiqo xaphelutsu keu likhi kumo, ikemu ningu pa Puh kungugha lo kuaa pelo lhokta kuxupu lo ningu xaphelutsu penishi ani. Apuh Alhou no qeti ningu kimiye kutuveke ghenguno Pa Nu Pa qhuu puutsuno akithi launo ningu xaphelutsupeke. Hipau ghili no ghi azuuno ithi ani, ikemu tsutsala nono xaphekulu ghili akivishi ithitoti mlano aghi aye xaphekulu kuchou ghili phuju eno ithimayesake. Xaphekulu lo ilonike ghenguno akuxu pekilivemayesa ipi chekeu kiquye kiu kea? Ningu kumtsa kuqhano phiju eno phujuni.

1

## Alhou ye kuchouno o tucho chenikeshea?

Hipau ghili Pano hitoi pi “Noye qeti l gizulo akughupu lakhi kehu Ino o gihu acheni, eno Ino o kimiye kutu achenike.” (Isaya 43:4). “Iye, Ino lhokta kikimiye lono o kimiyeve ake.” (Jeremiya 31:3).




**Khokichile:** Alhou no ashekha kuha timiqo kimiye chekeu ghili timiqo ye vethalu chemo. Tsusala ayeghi hipaulo o likhi puhave aghie pinamu Jisu ye o kimiye anike. Tsutsala xalukepu kutami kuhano o likhi aghie pinamu Jisu ye olikhimu xalunike ghenguno Pa kuxu pesu aghashive tsuke. Noye Pa gizu lo ighono akughupu lakhike ipikeu ghili khilemu kumsuma kevalo. Paye ighono kumsu thonhei shieno o kimiye eno o tuchotsu achenike.

## 2

### Alhou ye Pano o kimiye akeu ghili kishi hepho piyesutsu kea?

“Kughengu Alhou no ayeghi lomi kimiye kutuke ghenguno paw thili Nu pesu tsuve, tighenguno khunono Pa paw keno puhave monani, ikemu lhota kuxu ithulu nani.” (Johan 3:16). Hi shikeu lono Alhou no Pa kikimiye ningu lau pephe piyesutsu ke. Alhou no Pa Nu aqhuu pesu ayeghi lo puutsu, ningu pelo Pa vechewono akuxupu ithulu penike ghenguno. Ninguno Alhou kimiyeke kumo, ikemu Pano ningu kimiyeveke ghenguno Pa Nu puutsuno ningu xine puluvetsupe, eno ningu ghenguno thivetsupe. (1 Johan 4:9, 10).

**Khokichile:** Alhou ye ningu xaphelunikeu ghili thonheishi kumsuju puzu Pa Nu aqhuu pelo ningu xalutsupenike ghenguno puutsu, eno o ghengu lono imevetsupe. O pelo alhokuthu Pa launo putusulo kauvepemonike ghenguno thivetsupeke. Kikimiye hitoi keuye ningu axinemiyo ye kumsu ilo tokumlapu lakhike. Alhou ye ningu axinemiyo ghenguno hitoi mlatsu anike.



Cross lo Jisu no oghenguno thive tsukeu huye tsutsu-yeghiqha xughili lo kikimiye akijeu pephepiye keuke.


## 3

### Alhou ye o toi kutami khiuana ghi kimiye chenikeshea?

“Alhou no Pa kikimiye ningu lau pephe piyesutsuke ye ninguno axinemi shi apho lono Khristo pelo ningu ghenguno thivetsupeke.” (Rommi 5:8).

**Khokichile:** Axinemi lakhi ye axine jume akithi ipikeu qelunikeu kumonapi ye kutau ye kiumu shimla. Alhou no timi lakhi xalunikeu lo bekutha ani, ikemu Pa kikimiye loye bekutha kiumu kuha. “Kughengu axine jumeye

akithi ke, ikemu Alhou no niMpeu Jisu Khristo vechewo agho tsukeuye lhokta kuxu ani.” (Rommi 6:23). Paye axinemi eno akimithemi kumtsu aphiaphishi kimiye acheni. Kusalhami, kimikimi eno ghikiqimi kumtsu aphiaphishi kimiye acheni. Alikhi asala pukha chekemi, kuhakughami eno shokumuzumiyo kimiye acheni. Nono akithipu xine shive aghie pinamu Paye okimiyekutu acheni. Paye okumla lhokusa tipaqa launo oxapheluve nishi kutu acheni.



Jisu'w kikimiye olau akeu mutsumeshei ithulu akeuye Pano oxine qhivetsu nike pulo akeu eno Pano opelo ghukuju shou tolu penike pulopinyi akeu lono ithulu ani.

## 4

## Jisu no thivekeu no oghenguno kiu shitsukeya?

**“Juló, Apuh no Pa kikimiye kiutoikeu pesu ningu tsukela!**

**Eno ningu pesu Alhou nuliqo ipi kulu kela!” (1 Johan 3:1). “Pa shou pulubeluve kemiqo kumtsu pelo Pano Alhou nuliqo shilukepu chipiu tsuke, Pa jeh lono pululuve kemiqo kumtsu.” (Johan 1:12).**

**Khokichile:** Khristo no nongu shou akithipu ghime akeu hu shipuhavetsunike ghenguno thivetsu. Axinemiqo kumtsuno pukuzupu shi akeu akithi makho hu Pano puluveltsu. Paye timi lakhi shieno ayeghi lo punusu, ikemu ishiye Pano kiu pesu ningu tsuveakeno tipauno ningu xine pi lovetsu ake. Nongu pelo amikucho shiluve penike ghenguno Pa kuxu axine kuhakeu hu pesu nongu xine pi lovetsu ake. Nongu kipimi jume Pano lovetsukeu hu Apuh Alhou no ikhiluvetsuake. Tsutsala nonguno Pano kiu pesu tsukeno tipauye aghokutsu lakhi ke ipi ikhilutsu aye, nongu ye Alhou no kibolo anuliqoke ipi ikhiluveake.



## Noye kishi Jisu ikhilukeno noye akithipu launo akuxupu lo ipeghiluve kea?

**Khokichile:** Nono avehu shi akeu pesu Pa vilo pilo, eno Pa pululo.

**Thime hipano kuthu ikhilulo:**

### 1. Niye axinemi lakhi.

Kughengu "kumtsu no axine shiveke"  
(Rommi 3:23).

### 2. Niye thivekepu shive.

Kughengu "axine jume ye akithike."  
(Rommi 6:23).

### 3. I likhi I xaphemlave.

Jisu no pi, "I sumokeloye nongu kutoshiye kiumu shimlae." (Johan 15:5).

**Thime hipano kuthu pululo:**

### 1. Pano I ghenguno thivetsu.

"Jisu no kumtsu ghenguno akithi michevetsu."  
(Ibrimi 2:9).

### 2. Pano I xine kipimi qhivetsu.

"Tsutsala ninguno ningu xine kipimiyo pipheveaye, Paye pulubekulushi eno amikuchu lono ningu xine kipimiyo qhivetsunani." (1 Johan 1:9).


### 3. Pano I xaphelu.

"Khiuno I pulunikeno paye lhokta kuxupu ithulunani." (Johan 6:47).



**Akuxu pekililuve kulupu kuchou hipaqo ghili kumsukuto julo:**

- I xine ghenguno niye thivemayesave.
- Lhokta kuxupu phuumo keloye axine ghime shou tokumlapu shive. Niye lhokta thivemayesave.
- Niye lokumlapu pi puve. Ikemu "Jisu no ipi lovetsu, Ino ozuqhushi thivetsuni eno opi lovetsuni, noye oxine ghenguno thivekepu vehu kuha" ipi.
- Pano kiu ikutsupiyekeno ti Ino ikhiluni. Niye axine pi pu ani ipikeu Ino ithivea. Kughou Pano I ghenguno thivetsukeu Ino ikhiliuvekeno niye Pa nuli lakhi shiluvea. (tiye mlaleike kumokeshea?)





6

## Xachilekulu ghokutsu ithulunike ghenguno niye kiu shimayesakea?

**“Khristo Jisu lau qhuchilekulupu kuka akeu lono Pa kikimiye vechewo ningu pesu kumsano amikucho ipi kihisuluvetsu.” (Rommi 3:24). “Timi ye ayehza kumla sumono akupulu lono amikuchoke ipi kihisuluvetsuake.” (Rommi 3:28).**

**Khathibhile:** Nono thime lakhi likhi ikhilukepushi akeuye xachilekulu ye aghokutsu lakhike ipikeu. Ningu ghokulu kumlaqoye ningu pesu amikuchoke ipi kihisulumo nani, kughengu ningu ye axine shiveke ghenguno ninguye thivemayesave. Ikemu khiuno akupulu lono xachilekulu phu eno khunikeno pano tipau ithulunani. Axinemi lakhi kemu pano akupulu lono khuaye paye axine shimokemi lakhi toi pa ikhiluvetsu nani. Nono akupulu lono khuaye wovekeu lo oxinego lakhimu kihisumove nani. Alhou ye kumtsu aphiaphishi kimiye acheni, axine kipimi qhivetsulopi akupulu lono Pa vilo khukemi kumtsu xinego qhivetsu acheni. “Akupulu vechewo kikimiye lono nongu xalukethono nongu kutoshino kumoke; hiye aghokutsuke thono akumla lono kumoke, qhezalunosa.” (Efesiami 2:8, 9).

Noye axine lo ikiqi  
ilovekeshea?  
Nono Pa vilo khu aye Jisu  
no oxaphelovenani.



7

## Nono akupulu lono Pano kibolomi shiluve kithishi Jisu ye okuxu lo akikili kiu sughitsukea?

“Tsutsala khialano Khristo lono xu aghiaye paye lhoxu akitheu lakhi shivae, kughengu aqau thimeqoye wokhavea, eno julo, thime kumtsu akithe shivae.” (2 Korinthiami 5:17).

**Khokichile:** Kughou nono Pa pululuvono omulo kuchouno Pa ye ni luthu Xachilekuluu ke ipi Khristo ikhiluvenikeno, Pano okuxu aqau, axine kuxu lo xuchekeu hu pekilipesu aghungu kuxu lo suvetsunani, eno noye akipimi kumlaqo launo ililailuve nani, eno alokivishi ilo ajukuvu kusajekue pujupeju thuvunani, titihuye Pano okuxu aqau lo axine kumlaqo hu ikhisuuvetsu nani, nono okuxu kupuju lo Satan kutsugha gholo alokughuno kuhano xuchekeu hu ikhisuuvetsunani eno nono Alhou gholo ngolukeu lokiviye kiutoikeno ithinani. Kiutoi pekililuvekela! Timiqo ye kiushiye hipau pai ikhiluvemono ado supushu achenikela!

Ayeghi lo lokivi ye pesu Khristo kibo lo lokivi sasus kimighi mlake.

8

## Nono axine kuxu lo xuchekelo nguno alau okuxu pekiliveke thiuno alokivi alau shiluanima?

Jisuno pi, “Ino hipaqo ghili azuuno nongu vilo piveake, ... nongu lokiviye iku chhitoiliunani.” (Johan 15:11). “Tsutsala timi Nu no nongu pesu ililai shivetsuaye nonguye kuchouno ililailu nani.” (Johan 8:36). “Ino ighikeuye nongu pelo akuxupu ithulu peniyeke, eno nonguno tipau kupukunoshi ithulunani.” (Johan 10:10).

**Khokichile:** Timi kutomono Khristomiqo ye alovi chemo, kughengu panongu ye alikhiasala pukhalu chemoke ghenguno ipi acheni, ikemu tiye kuchou launo bidelau shivea. Kughou nonguno Jisu ikhiluvenikeno nongu lolo alokivi iloghivenani. Adoaghuloki lhokusa ighiepinamu Khristomiqo ye alokivishi chenani. Alhou kuka nhekithe lono panonguye thokha lo tokulu shilunani. “Avehu shivekelo anileshi kuphutsuke vechewono tokulu shilunani.” (Ibrimi 4:16).



## 9

## Khristomiqono mlakepushi akeu kumlaqo okutoshiye mlalu nanima?

**"Niye Khristo gholo yedave, eno Ino xu akeuye Ino kumo, ikemu Khristo no I lolo xu anike." (Galatiami 2:20). "Niye I shikumtotsu chekeu Khristo vechewono thime thokha kumtsu shilunani." (Filipiame 4:13).**

**Khokichile:** Khristomi kuxu lo akichiqhikepu kije ani: Khristomi lakhino kiu kuxu lo xu anikeno tiye Jisu launo olau qoiloghikeu kuxuke. Okutoshiye akivi shiluchemo, Alhou ghokulu shilukeu lono Alhou kikimiye okuxu lo suighitsuke. Alhou launo xukitheluve kemiye kuchouno akuxu kithe lo xulucheni eno noye Pa gholu anishive cheni. Akupulu lono akuxu kithelo xuluvekemiye kutami mulo vepiqitsulu cheni, eno tino Khristomi lakhi ghenguno azukuvu shikeu kuxuke. "Niye O kupulo shitsunikeuno Izukuvuke" ipi Leshelemino pi, "O I Lhou, Ino O zahkutsuqo pesu I mulo ki lo qhipuachenike." (**Leshele 40:8**).



Kughou Jisu no okuxu lo iloghivenikeno, Pa wu akichiqhikepu kuka huno no pekilipesu aghokulu lo sasu ighive cheni, eno akuxu lo azukuvu makho xapuchekeu launo osasu alokivi kuxu lo ipeghive cheni.





10

## Tipau kiqi ye ahzakutsu chighi ye puqhekumlapuke kumokeshea?

**“Tsutsala nono I kimiye aghiaye I zahkutsuqo papelo” (Johan 14:15) ipi Jisu no pi. “Kughengu hino Alhou kikimiyeke, tiye ninguno Pa zahkutsuqo pape chekeuno; eno Pa zahkutsuqo ye puqhekumlapu ye kumoke.” (1 Johan 5:3). “Khiuno Pa tsaqo pape chenikeno kuchouno Alhou kikimiye pa lau tokhoi ani.” (1 Johan 2:5).**



**Nono kuchouno Pa kimiye aghiaye nono khiuana mulokiqiu shitsukeuye amakho kumoke.**

**Khokichile:** Baibel no kuchouno o ghokulu ngo nono Alhou kimiye chekeu pama tsughakime kuqhape puatsu ani. Khristomi lakhi ye Alhou zahkutsu chighi papenikeu lo kiumu kumsukimighei akepu kuha. Jisu no ozuqhushi aghashivetsu keu lono oxineqo kumtsu qhikhavetsu ake, ishi nono Pa gholu akeuye Pa no omulo lo akuhu qusuvetsukeu lono ke. Pano okuxu pekilivetsuake noye omulo kuchouno Pa kimiyelo. Tishikeu lono nono ahzakutsu chighi lo mlakepushi akeu hu mlalu anike. Noye itehiye Baibel lo Pa kupuloqo ghili phujulo. “Nonguno Pa vilo kiu khunikeno ti nonguno ithulunani, kughengu nonguno Pa zahkutsuqo papecheni, eno Pa gizulo Pa mulo kiquu kumlaqo shichenike.” (1 Johan 3:22).

11

## Ahzakutsu chighi papekeuye ayezha lakhi toikeu kumoke ipi noye kishieno ithikea?

**“Hile akimithemiqo kutuukulu ani, hile Alhou zahkutsu pape chekemiqo eno Jisu kupulu pechemiqo ani.” (Piyekusu 14:12). “Akimithemiqono Bheriti jih eno panonguno ashepe tsukeu tsa pesu Satan theqhive, eno panongu kuxu kutolo pesu tsuvenike kupumove.” (Piyekusu 12:11).**

**Khokichile:** Hile legalism ipi akeuye ayezha lakhi tloi shikeuke ipiani, eno tiye akumla kivi shikeu lono xakulu qelukeu lo huve ani. Xachilekulu khikhi Khristo no pesu tsukeuye aghokutsu lakhi shi tsupuanike thono nono eno lno akumla kivi shieno qelukeu kumoke. Baibel lo akimithemi, khiunoqono Pano kupulu Alhou shou bepuaचेकेको akiqi bidi lono kichePiyekusu ani:

- 1) Panongu ye Alhou zahkutsu chighi pape chekemiqo ke
- 2) panongu yeh Bheriti jih pekile shou pulube chekemiqoqe
- 3) Kutami sasu ighieno pano xakulupu lo kisajetsu chekemiqo eno
- 4) Axine shivekepu ye thikeu thiveni ipi chekemiqoqe. Panongu ye kuchouno Khristo kimiye chekemiqo eno Pa zahkutsuqo pape chekemiqoqe ipi kimichitsu ani.



**Ayezha chighi pekupu no xakulu qeni pikeu ye alnokuthu lo tomula keu eno amulo kusa sholu cheni. Oxalu ni keu ye munuva, kughengu nono axine shive ke. Ikemu timi khuno xakulu gho pulo luvu keno pano ye alokivi shi alhou yeza ghokulu lo che cheni.**

# 12

## Noye kishieno Khristo sasú kuthsúkime keu lono akupulu lo eno kikimiye lo alau thulukeye ghili ithikea?

**“Kuchoyehsu philo” (Johan 5:39) “Tamono inikhulo” (1 Thesaloniami 5:17). “Nono Ampeu Khristo Jisu ikhilukeye toi Pa gholo checheko” (Kolosiame 2:6). “Niye tsalakipe thive acheni” ipi akhopeu Paul no pike (1 Korinthiami 15:31).**



**Khokichile:** Luthu lakhino kutami lakhi sasú kusutsa kilemoamu pa sasú kuthsúkime anike ipikeu ye thulunikeu kumo. Akighinishi eno Baibel phikeu lono Alhou sasú kusutsalu anike; eno tishi kuthsúkimekeu lono noye thulunanike. Pa tsa ye “kimiyekeu yehsu lakhike” eno nono tsalakipe Pa w yehsu tipau phi anishikeu huno aghungu lo kuxu lo alau thuuu achenike. Akighini lono Pa sasú kuputsakeu lono Pa sasú kuposhulu ani, eno Pano opelo okuxu lo Pa ghenguno kiu mlatsu penishi anikeno tipau ghili ithilu cheni. Tishikeu lono noye Pa launo akumzapu lokivi alau ithulu cheni. Ikemo nono titoi Pa sasú kusutsamove aye Paradise hu oghenguno alokivi kuhano aqemi lakhi kuxu toi azukuzu no alomughaqi nani, tipau kiqu ye noye tile ilolumonani. Kughou Jisu kikimiye kighi itavenikeno eno Pano kiche piyesukeu papemlavenikeno ningú chineh ye kimiye keu lono kumono angukashikeu chineh lakhi shivenani.

Nono thonhei Jisu kimiye akeu  
toi kutami peloghi Jisu kikimiye  
lo ilo kusajelu pelo.



13

## Nono Pa sasu kuthsukimekeu lono okuxu pekililuvekeu ghili kishieno kutami pelo ghi ithilu penikea?

“Nono azulo putsukeu (baptism) lono Khristo sasu kuthsukimeluvekeu eno Khristo no kithi launo Apuh jukuvu lo xuchile ithughivekeu toi, ningu ghi akuxu kithe pepuluve nani, ... eno axine

phimpi hu pekililovenani.” (Rommi 6:4, 6). “Ino oghenguno akimi lakhi inipuatsu ani, Ino opelo Khristo lono ilimi (akukuhou) kivi lakhi shipenishi ani.” (2 Korinthiami 11:2).



**Khokichile:** Khristo ikhiluvekeu lo akiqi kuthu lono Khristo papenikeu ani:

- 1) Axine lono thivekeu,
- 2) Khristo lono akuxu kithe lo punuluvekeu eno
- 3) Aghungu lono Jisu sasu lhokta kulavekeu. Aghungu lo kuposhuluvekeu lono ningu do kikimiye alau thuulu acheni. Alhou no ningu aghungu lo kulakupu shiluvekeu shou amichipu chishipukuluvea.

### Akupulumiqono Khristo sasu kulakupu shiluvekeu shou lhokta michipu chishipuku lueva.

“Khilemu oqhivemo nanikepi Alhou no tushoqhivea (Leshele 55:22; Mathi 28:20; Ibrimi 13:5). Kusukini lo otuchoni, eno opelo ashiahji kivi shi apenike otuchoni (Leshele 41:3; Isaya 41:10) Nono avehu shikeu pesu o tsuno okuxu pekhilupeni (Mathi 6:25-34). Nono akupulu lono Pa ikhilukeu toi Pa shou pulubelo, tishi aye ighinikeu lo vehu kumtsu lo Pa ye khilemu opelo ikiqivepemonani.

14

## Noye ighinikeu lo kuxupu ghenguno itehi Jisu ikhiluveno akuxu kithelo xuuvinishi anima?

**Nono khochilenikeu:**



# Nono Iniju Keu Khochiletsu Ani

## 1. Kishieno timi lakhi kithi vechewono timi kumtsu xine pi lovetsulu kea? ningu ye axinetomi lakhiamu Alhou ye ningu xalunani keshea?

**Khokichile:** Kughengu timi kumtsu axine shive (**Rommi 3:23**). Eno axine jume ye akithi (**Rommi 6:23**) Kughengu Ampeu Jisu ye ningu Lhou eno ni kuxu Mpeu, ikemu Pano axinemiqo xaphelunike ghenguno ashi shive, timi shi pepuno timi kimihl lono ayeghi lo punusu. Pano axinemiqo xine xapusu aghashivetsu. Pa kuxu ye ayeghi lo timi xu akemiqo kuxu nguno akiqheu eno akijeu. "Tighenguno ayeghi lomiye Pa vechewo Alhou lau ighikemiqo kumtsu qhoi Pano xaluve kulupu shiveke." (**Ibrimi 7:25**).

## 2. Tsutsala Ino Khristo ikhiluveno Pano akipimi qhivetsuke ithuluveke thiu Ino itaghi axine shiideve aye Pa ye itaghi I kipimi qhivetsulu nanima?

**Khokichile:** "Tsutsala ninguno ningu xineqo pipheve aye Paye amikucho lono eno pulubekulu shi ningu xine kipimiqo qhivetsu nani, eno ningu mikuchokumo kumtsu launo ningu shikimithetsu nani." (**1 Johan 1:19**); (**Mathi 6:12 loghi julo**) Tsutsala ninguno axine shiidevekeu xine ghenguno ningu mulo kusashi Pa vilo qa mulo puzu ni xine kipimi qhivetsulopi khu aye Paye ningu xine kipimi tipaqo qhivetsunike kutope khe ani. Paye oxine tipaqo qhivetsunanike ipi Pa shou pulubelo, eno oxineqo pesu Pa vilo piphevelo, eno Pano okipimiqo qhivetsu nani.

## 3. Niye I xine xapusu Alhou mlla lunanikeshea? Maye Achinemi momu akimithemi pelo I ghenguno inikhutsupe mayesakeshea?


**Khokichile:** Jisu ye timi shi xapu xu ani, eno Pa ghi ningu toi ghujuche, tishimu Paye axine shimo." (**Ibrimi 4:15**). Eno Paye tokulu shiluve (**Johan 16:33**). Pano ningu xine kipimiqo kumtsu qhivetsulu nani. Ninguno Apuh lau wunike ghenguno Achinemi momu akimithemi sukusu shi akepu vehu kiumu kuha. **1 Timothi 2:5** lono ningu vilo pi akeuno, "Tilehi Alhou ngo timi pama dolo zuqhushi alachetsukeu Lapuu (Mediator) lakhi ani, tiye timi Khristo Jisu ke. Kughengu Pa ye xu ache, ikemu thive, eno akuthuniye Paye xuchile ithughive, eno Paye itehiye kiungugha lo ngono o ghenguno tamono pitsu ani." (**Rommi 8:34**). Noye okutoshi Alhou putsalunani, eno amulo kumtoshi Pa lau wulunani." (**Ibrimi 4:16**).

## 4. Alhou pelo I xalutsu penike ghenguno ni ghi kiuana shimaye sakeshea?

**Khokichile:** Moe. Pano kikimiye lono akupughu lakhi shipe qhivetsuake (**Rommi 3:24; 4:5**). Eno tipauye Alhou no aghokutsu lakhi kutope qhivetsuake (**Efesiami 2:8**). Hiye kuchouno Alhou no akupulu vechewo kikimiye pephevetsuake. Ningu pelo Pa kikimiye lo mutotoi puthugholuno Pa zahkutsu gholupenikeu shi pughuvetsuake. Jisu no aghotsukeu xakulu hu pesu ningu tsuvea, eno ninguno Pa ghokutsu xakulu hu ikhiluve aye ningu ye Pa zahkutsu gholumayesa. Aghokulu hipauye kikimiye lono mlakeuke, hino kuchou khopemi shinikeu thekuju lakhi ke. Jisu shou pulubeluvekeu visavili ye Pa zahkutsu papenikeuke.

## 5. Alhou no I xine kipimiqo qhivetsuke thiu ghi niye xakulu lo ilonike ghenguno kiuana ghichhe ghime kumla shimaye sakeshea?

**Khokichile:** **Rommi 8:1** lo pi akeuno, "Tighenguno itehiye Jisu shou pulubeluve kemi shou kiu kipimimu be kepu vehu kuhavea" Jisu no ni xine pi qhoi lovetsukeu akupulu lono hipau ikhiluvekemi ye shikimithetsu ithulunike ghenguno tile kiuana aghichhe aghime kumla shi akepu vehu kuha. Kughengu Jisu no ningu xine launo ningu qhukimitheluve ake (**Piyekusu 1:5**). **Isaya 43:25** lono ningu lau jukivi lakhi piqhi puakeuno. "Ino eno Ino I ghengu lono nongu xineqo yitsuluvetsu ake, eno tipaqo khilemu kumsuchilutsumo nani." (**Mika 7:18, 19**).




Ashekhaushi, Pano ningu xineqo qhivetsunikeu tsa piqhi ani.  
"O toikeu Lhou kutau khiuno Pa mheghi achilishi akemiqo xine  
kipimiqo qhivetsu kea? Paye alhokuthu lo khilemu amulo ide  
chemo, kughengu Paye kimiyenikeu no Pa zukuvuke, Paye qeti ni kimiyeno  
ni kipimiqo qhivetsu achenike. Nono ni kimiye eno ni xineqo kumtsu pesu azughilo  
vesuvetsuke."

**Hilehi okukumsu eno injuakeu pitsulou**



01



02



03



04



05



06



07



08



09



10



11



12



13



14

## Akiphi hipau ghi akiphi kichekutsu 14 gholo kakhi ke.

Akiphi kumtsu lo akumzapu kuchouqo, khipauno o kuxu eno no kibolomiqo kuxu pekilivetsu kulupu ani eno tipauno nongu sasu lhokta lajupu lo ighikulupu ani. Akiphiqo gholo lakhimu vezuvekeu shikevilo.

- Akiphi kichekutsu 01:** Tile nono pulubeLukepu kiuana qhiveakeshea?
- Akiphi kichekutsu 02:** Alhou ye Tughami Ihosukeshea?
- Akiphi kichekutsu 03:** Akithi laono xapheluve
- Akiphi kichekutsu 04:** Tsutsu yeghiqha dolo Aphughi kije
- Akiphi kichekutsu 05:** Alokivi kulakupu tsapi
- Akiphi kichekutsu 06:** Atulaphaqo shou yehpukutsu
- Akiphi kichekutsu 07:** Xu-lhe lo atsala lakhi puhavekeu
- Akiphi kichekutsu 08:** Qhoi xapheluve -Jisu Khristo ideighini keu
- Akiphi kichekutsu 09:** Akutsughu eno Akuka
- Akiphi kichekutsu 10:** Kithimi ye kuchouno thiveakeshea?
- Akiphi kichekutsu 11:** Amiyizu ye Tughami pichepuani keshea?
- Akiphi kichekutsu 12:** Alokughuno mpe 1,000
- Akiphi kichekutsu 13:** Alhou no ashiahji kivi kupughu shitsu
- Akiphi kichekutsu 14:** Aghokulu ye ayezza lakhi shiveakeshea?

Kughou no no atughiu Akiphi Kichekutsu-u 14 pihqhive nikeno itaghi niu mlakiphe akiyeh lono khulo:  
Amazing Facts India, Post Box No 51, Banjara Hills, Hyderabad-500034

Kimiyepe Summary Sheet hipau kishekha mphu zuwuno akiphi phijulou. Khokichile kumtsu akiphi kichekutsu lono ithulunani. Chejuno achipiu khokichile lo sutsulo. **Akikihi parentheses lo piyepuakeu (1) no khokichile achipiu ke.**

**Form tipau pichivenikeu ghenguno kimiye pu “[Adobe Reader](#)” peithalo.**

- 1) Alhou no timi lau aghokutsu lakhi pesu tsukeu lono kungugha lo kua thimeqo kumtsu leqhitsukeye ye kiu Kea? (1)**  
Baibel ke  
Pa kukuhou ke  
Jisu Khristo ke  
Ahzakutsu 10 ke
- 2) Ayeghiqha kimiyekeu pephe piyesutsukeu ithuLuku akijeu ye kiu kua? (1)**  
Ashopa eno akha lono  
Jisu no cross lono thivetsukeu lono  
Pentecost tsala lono  
Pitor no piphekeu lono
- 3) Khristo no cross lono aghashivetsukeu ye (1)**  
Kumtsu ghenguno ke  
Amikuchomi ghengu likhino ke  
Alhokusami ghengu likhino ke  
Azapolo kighinimiyo ghenguno likhino ke
- 4) Alhou ye khunoqo pachi kimiye chenikea (1)**  
Akukuho lo kihimipiyo  
Kusalhami eno kupukamiyo  
Kumtsu ahiphi lono  
Punukithevekemi Khristomiyo
- 5) Khristo no timi kibo vechewo ayeghi lo punusukeuye (1)**  
Timiyo xine pi lovetsunike ghenguno ke  
Ningu kimiye ithitsunike ghenguno ke  
Asu kumlami akivimi lakhi shinike ghenguno ke
- 6) Timi lakhi ye xachilekulu ithulunike ghenguno (1)**  
Baibel phimayesa  
Akukuho lakhi lo kihikusumi lakhi shimayesa  
Amili jeli lono pikemi shi aghimayesa  
Eno hipau ye aghokutsu lakhike ipi ikhilumayesa
- 7) Ningu xaLukuye (1)**  
Akumla kivi ghengunoke  
Kimiyeke ghenguno ke  
Puloniqhiyi keu ghenguno ke
- 8) Akipimi qhivetsuno ikhiluvekeu huno ningu pelo (2)**  
Axine ghili ithilu chenipe  
Alokughuno kuxu qhivekeu ghili kumsukidelu chenipe  
Alokivi eno alokiyo ghili ithilu chenipe  
Ihokta kuxu tsuniepi piqhi puakeu ghili ithilu chenipe
- 9) Aghokulu boqha ye (1)**  
Amiyizu shou puthu puani  
Akusamiyo launo akupulo Luku shou puthu puani  
Jisu kikimiye shou puthu puani
- 10) Khristomiyo Alhou zahkutsu papekuye (1)**  
Ayehza lakhi toivekeu momu alhoshivekeu  
Kuchouno amulo pebidekeu xathi pithikeu  
Kiumu akhoto shimovekeu

## 11) Khristo sasu kulakupu shiluvekeu kiji kiche piyesukeu ye (1)

Achinemiqo kungoki lo ilo ngoluvekeu lono  
Azulo putsuluvekeu (baptism)lono  
Awloti ajeu anguthi supuluvekeu lono  
Kulaumovekeu lono

## 13) I kuxu lono Jisu ikhiluveno akuxu kitheu lo xu achenikeuno I kupuloke.

Iye.  
Moe.  
Niye ti shiluvae.

## 12) Kikimiye lono Khristo sasu xukuqha anikeu laghi kini akeu ye (2)

Tsala pekighi lo Baibel phikeu  
Akumllagho kupukunoshi pesu tsukeu  
Awoshi chumovekeu  
Tamono akighini shikeu

**Kungu iniju puakeqo achipilo khochile tsulo!**



**Tilehi kihisuvani kehenguno oje, email eno thepiu kikihi sulou.**

Owu akiphi kichekutsu KUMUSA no ithuluni kehenguno "Sulou" lo inalo.

<b>Oje :</b>	<input type="text"/>		
<b>Owu Email :</b>	<input type="text"/>		
<b>Thepiu kikihi :</b>	<input type="text"/>		
<b>Okungo-a :</b>	<input type="text"/>		
<b>Aphugui, District :</b>	<b>State :</b>	<b>Aghaqhu :</b>	<input type="text"/>
<b>Pin :</b>	<b>Apunu mpe amqo:</b>	<b>Gender :</b>	<input type="text"/>

Anile shi no kusutsa nikeu tipau tsulou